



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 14. redovnoj sjednici održanoj 13. jula 2017. godine, usvaja

ZAKON
O IZMJENAMA ZAKONA O OBRAZOVANJU U OSNOVNIM I SREDNJIM ŠKOLAMA U
BRČKO DISTRIKTU BOSNE I HERCEGOVINE

Član 1

U Zakonu o obrazovanju u osnovnim i srednjim školama u Brčko distriktu Bosne i Hercegovine (Službeni glasnik Brčko distrikta BiH, brojevi: 10/08, 25/08, 4/13 i 48/16) član 116 mijenja se i glasi:

„Član 116

(Osnova za raspisivanje internog oglasa ili javnog konkursa)

U skladu s planom zapošljavanja nastavnika, stručnih saradnika, saradnika u nastavi i vanjskih saradnika (u daljnjem tekstu: plan zapošljavanja) Odjeljenje raspisuje interni oglas ili javni konkurs za popunjavanje upražnjenih radnih mjesta.“

Član 2

Član 117d Zakona mijenja se i glasi:

„Član 117d

(Angažovanje lica po osnovu ugovora)

Lica s kojima se zaključuje ugovor o obavljanju privremenih i povremenih poslova angažuju se s evidencije zavoda za zapošljavanje u Bosni i Hercegovini, vodeći računa o strukturi stanovništva.“

Član 3

U članu 122 stavu 1 tačka d) mijenja se i glasi:

„d) izmjene plana zapošljavanja u toku trajanja procedure otvorene konkurencije;“.

Član 4

Ovaj zakon stupa na snagu prvog narednog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-164/17

Brčko, 13. 7. 2017. godine

PREDSJEDNIK
SKUPŠTINE BRČKO DISTRIKTA BiH
Esed Kadrić